

Indis repugnātibus ad pontē perueniunt. Hæc dum pro
castris geruntur, hostis arcem uacuā ratus superāte mul-
titudine manum ad eam capiendam circūmittit. Id quidā
ē nostris conspicatus, cum parū præsidij aduersus tantā
multitudinem relictum crederet, magna uoce exclamat
ab hoste arcem teneri. Ad hanc uocem trepidatione
per totam aciem orta, ad arcem recurrunt. Mascarēna
nunc singulos reprehensans, nūc ad uniuersos proclamās
mihillic esse periculi, paucos retinuit: cum quibus iterum
superato muro, cum Castro Menesioq; qui primi consē-
derant, se coniungere contendit. Hæc paranti, miles oc-
currit, qui Franciscū Menesii, se præsente, cæsum nar-
rat: cadauer ab hostibus a sportatū. Aluarius uero Ca-
strius saxo, cedēte ad ictū galea, grauiter uulneratus est.
Hoc igitur recepto, ac reliquijs a fuga collectis Mas-
carēna reuertitur, pluribus uulneratis, triginta amissis.
Magnū sui desiderium iu primis fecerunt Frāciscus Me-
nesius genere & factis clarus, ac omnibus, animi magni-
tudine alijsq; uirtutibus charus: Franciscus Almeida,
Lupus Sousa, Rodericus Fernandus, Franciscus Guli-
elmus. Georgius Menesius multis acceptis uulneribus
modica spe uitæ, animā trahebat. Nonius Pereira ho-
mo nobilis: Mascarēnaq; i primis acceptus, acceptis ab
eo ad gubernatorē literis, Goam ut cōmodius uulnera cu-
raret, ire instituit. uerum inter nauigandum iactationem

non ferens, mortuus est, Hostes hoc successu compressā
nostrorum temeritatē rati, iterum Thomae turrim aggre-
diuntur: nec Basiliscum modo, quem antea tentauerant
ruptis funibus ad se pertrahunt: sed Leonē ac Saluagiū
(id quoq; genus tormenti est) in ijsdem ruinis cōpertū,
de nostris ceperunt. Turris ægre defensa, exteriore mn-
ro prolapso, interiore iam procūbente, nisi Mascarēna
interius aggerem obieciisset: qui ruētē sustineret: Interea
hostes opus imensum, ac prope incredibile aggressi, latū
fluminis alueum aggere constructo angustant: et quan
quā fluminitis altitudine, quæ facile quinquaginta pedes
explebat, et maris æstu reciproco opus impediretur: eo
usq; tamen cohircēt: ut pōte cōsterni posset: ut ex oppi-
do Rumeorum compendio curribus portare possent cō-
meatus, qui ante a longo circuitu circūibat. Eodem tēpo
re alia manus cuniculos in arcēt agebat: ut quæ reliqua
erant ædificia diruerent, Id opus eo magis properatum,
qd rumor erat prætorem breui ad futurum, ac una cū eo
supratria millia Lusitanorum. Ramican uero cū supra
uiginti quinq; millia militū selectissimorū in armis habe-
ret tantoq; in urbe cōmeatus, tantūq; belli apparatū,
ut uel ipse obsidionem quāuis diuturnam pati posset, non
tam congregdi metuebat, quam ne subsidiorum aduentu ob-
sidio arcis in longum protraheretur. Inter hæc sub finē
Septembris, mixtus luctu gaudioq; nuncius ad Prætore
perfertur

perfertur: arcem quidē strenue defensam, sed multos nos
strorum cæsos: in quibus filium ipsius Fernandū Castrū.
Ille priuato dolore suppresso multa de Mascarenā, &
militibus eius honorifice locutus, ob rē bene gestā lāetus,
ueste preciosissima induitus, equū concendit: ac extra op
pidum magno comitatu progressus, de totius belli ratiōe
cum suis aliquandiu differuit. e quod deinde ad exercitatio
nis militaris morem sæpius circū acto, ac libero decursu
campi spacio confecto, magnā uultu lāetitiā præferens,
in oppidum reddit. Ibi animū eius in priuatoluctu tam cō
stantē duplex casus turbavit: & funus Nonij Pereiræ,
quod tū ducebatur: et nūtius de morte Frācisci Meneſij.
Iam mitescente hyeme, prætor gnarus quam celeri opus
esset subsidio, Vascū Guinā litora legere iubet: ac reli
quas ex Aluari Castri classe naues violentia uentorū
dissipatas, cogere: ac Diumducere: Mascarennā uero
monere, ne omnino ante suum aduentū eruptionē tentet.
ipse alias quinq̄ naues celerrimas armat (Lusitani qui
solifere hoc nauigij genere utuntur, Caraueillas uocāt)
in hoc commeatus, pñluis fulpurenus, globi, ollæ: scala
rum, omnisq̄ generis ferramentorum magna uis imposi
ta. in his item milites missi: quorū quadringenti sclopeta
rij erāt. Eodem fere tempore hostiū aliquot naues, quæ mi
litē ac uarij generis mercē ē ſinu Arabico ad exercitū
uehebat, in nostros iciderūt: e quibus aliæ Chaulū perdu-

atæ in önes nullo sexus, aut ætatis discrimine, animaduer-
sum est. aliæ Dium pertractæ, quæ Turcicū militem ex
Arabia uchebant, duce Coij sofaris propinquo, cuius
atea meminimus. Is cū pro suo capite triginta millia duca-
torum offerret, plus ualuit ira, quam pecunia: eius reli-
quorumq; capita in fluuiū proiecta, ut æstu per aduersum
amnē relabente, in castra hostiū perferrentur. Id specta-
culū hosti magis atrocitate rei auxit irā, quā dāno mili-
tū, animos imminuit. Igitur proni in uliōnē, in eas, quæ sta-
bant turres, cumiculos agunt. & quanq; nostri trāsueros
semper obijceret, nō potuerūt prohibere, quominus igne
subiecto, pars aliqua murorū dirueretur. Antonij Frei-
ri turris, qua hostes spectabat, prostrata fossā impleue-
rat. Ad murū igne & aceto ante solutū duo camelī ad-
moti, per foramina eiusuicos arcis infestos fecerāt. globi
etia in cisternā nōnulli missi, e qua sola nostris aqua sup-
petabat. Aduersus hoc malum murus alius interius cele-
riter obiectus: & agger excitatus, in eo Camelus, aliaq;
aliquot tormēta posita, hostiū impetū adeo cōpresserunt:
ut eā muri partē postea nunq; tentauerint. & cum iam
arce militū plena, ollas ignicas, ut antea sæpe fecerant,
e p̄pinquo iniūcere non auderet, trabe funib; intenta ad
antiquum militiæ morem tormentum fabricantur: huic im-
positas ollas ignitas intra munimenta nostra iaculan-
tur: multoque plures quam antea muri partes cuniculis
prostra-

prostrauerant: & nostri in transuersis cuniculis non magnū esse momentū iam sēpe experti, superante multitudine nouum interius murum per totum arcis spaciū cōstruxerant, quo munimento omnibus turribus deiectis, spem habebant ad finem hyemis duci bellum posse. Hæc agentibus October mensis peractus est. Principio Novembris subiectus ignis cuniculis non satis obturatis, ideoq; inualidus, non adeo multū dāni nostris attulit. Inter ea Prætor coacto exercitu, idoneam ad nauigandū tēpestatem nactus, Bassaimū cum classe proficiscitur. ibi paucos dies cōmorat⁹, dū copias euicinis locis expectat. Interea Emmanuelē Limā hominē notæ uirtutis, et prudentiæ, & singulari in rebus gerendis felicitate, cū paucis nauibus Surratē usq; maritimā oram exploratum mittit, multæ ab eo onerariæ captæ, quæ cōmeatus Diū ferebant. in omne genus animantium, militum ira sœuīt. Sextodecimo die cum præda ad prætorem Lima reuertitur. Iam prætor omnibus rebus ad nauigandum comparatis, magno in primis indigenarum numero coacto ad opa facienda, Lima cū uiginti lōgis nauibus præcedere iussō, ipse cum reliqua classe uento secundo Diū tendit. Ille ut iussus erat, crebris exscēsionibus in terrā factis, orā maritimā late populatur. a Bramaluci prouincia tantum vim belli abstinuit. Is principio belli, ut suprademonstra-
tū est, a rege Cambaiæ, cui nectigalis erat, solicitatus

ut Bas

ut Bassaimi præsidium aggredetur, in fide tamen nostris pacta permansit. reliqua ora maritima flama, ferrugine vastata, in primisq; Guzaratū prouincia, quæ tota mari uicina est. quicquid nauium inuentū est, quicquid portuum aut uillarum maritimorum toto eo tracluerat, ueluti continentis incendio conflagravit. terror etiam latius serpsit: & in interioribus continentis locis, trepidatum. Lima his ut imperatum erat, confectis, ad Mortuorū insulā (quatuordecim millia à Dio ī locus abest) ad prætorem uenit. Is cum ostoginta nauium classe sepiimo die Nouembris eo appulerat. classem in anchoris habet in statione, unde a Dio prospici posset. Eo Mascarēnā accersit, ac habito cum eo de summa belii consilio remittit. Scalæ frequentes in arce factæ, quibus ērupe dimissis milites sine trepidatione in arcem occulte acciperentur. per has triduo expositi omnes, per auersam ab hostibus partem arcis, sine tumultu ingrediuntur. quicquid erat tormentorum per muros cōmode dispositum, in hostiū munimenta conuertitur: quibus pars muri quæ ē regione arcis erat edificata, per hos dies labefactatur. Hostes iterea nostrorum consiliorū ignari, omnibus locis idoneis præsidia disponunt. ad Thomæam turrim, qua nostros erupturos putāt, intētissimas habent uigilias. ollas, picem, puluerē sulfureum, magnā sagittarū uim, ac saxa ingentia in muros cōportāt. Partem murorum, quæ ad fluuium pertinebat

tinebat, nouis munimentis augent: tormēta maiora eo cō
uebunt, ut descensum nostrorum impedit̄. totum id latus
quod arcem respicit, quindecim millia militū tueri iussa.
Septē millia Turcarū Arabūq; et aliarū nationū, q; bel-
licosiores putātur, in frōte posita ad primū impetū exci-
piendum. pontē fluminis per quē ad Rumæorum oppidū
itur, septingentorū præsidio obtinent. Alijs circa locis
ad quæ naues appelli poterant, fossæ præaltæ factæ, ra-
misq; arborum ac terra leuiter coniectæ. Omnibus, ut ui-
deatur, satis prouisis tanta insuorum uiribus erat Ru-
micanī fiducia, ut paucitati nostrorum illuderet, & cona-
tus uelut uam̄os irrideret, neq; quicq; minus expectaret, q;
ut conserere manū secum auderent: nostris contra cū no-
no die Nouembris prætor in arcem uenisset, tantum gau-
dium fuit, ut nemo eſſet, qui de uictoria uelut ambigua
dubitaret. Prætor hoc fere pacto suos instruxerat. in na-
uibus nautas tāum, & calones, quos Goa & Bassimo
aduexerat, reliquerat. Hi iussi erāt önes nauiculas, quæ
remigio impellerētur, complere. Indi hastas erectas tene-
re, remiges altera manu remū agere, altera funiculos igni-
tos habere: amplum illis uexillum, quod prætoris eſſe ui-
deretur, datum. ita instructi, ubi signum quod cōuenerat,
accepissent, iussi tympanorū, ac tubarū quantum possent
maximo edito ſono, ad Iacobi Lopis turri tēdere. Ea in
āgulo urbis ſita fuerat ſuper rupē in mare obuersā: quā
hostes

hostes initio obsidionis, quia nullum usum eius putabant, diruerant: ut materia ad aggeres struendos uterentur: ad uentu uero prætoris triduo instaurarūt, ut propinquo portu nostros, si co appulissent, descensu prohiberent. Arcis tuendæ cura Antonio Correæ cōmissa. datum ad id militum quantum satis esse uidebatur. Reliquus exercitus (ad tria fere Lusitanorum milia erant) iussi in posterū diem se ad prælium parare, ac tertii uigilia armati adf se. Cum ut imperatum erat, conuenissent: loco magis quam cætera edito, in area arcis, unde prospexit us in önes partes erat, Ant. Custodius Franciscanus, homo integræ uitæ, ac summae sanctitatis opinione, sacrum orditur. eo cū magno silentio peracto, cæteris tacite subsequētibus orationis uerba prædit: Christū omnipotētē precatus Deū, ut suū nomen a contumelia vindicet: suam potentiam hosti superbissimo ostendat: & banc manū, quālibet paruam, ipsius tamen auxiliij fiducia innumeribiles hostiū copias nō reformidatē, spei, uotiq; sui compotē faciat: ac in hostiū castra, qui ad religionē eius euertendam coniurati uenerant, tumultum, terrorem, & fugam conuertat. Hæc ubi dixisset, quanq; omniū animi spe, & fiducia erecti uidetur, Prætor tamen paucis admonendos sibi ratus, silentio facto, ita exorsus est. Si magnitudo ista animi, et alacritas quā in uobis intueor, aut exuestrarū viriū nimia fiducia, aut hostium ignorantia oriatur, comprimēdam

potius

potius putarem, nec in præcipitia ruentes oratione etiam impellerem. sed cum & tuos memineritis Lusitanos esse, quorū maiores ingentes sæpe, non Afrorū modo, sed et Romanorū copias parua manu fuderint: & hos eosdem esse hostes, de quibus hoc ipso in loco tam præclara uictoria superioribus annis parta est: nemini dubium est, quin utraq; pars suos animos, suos mores in discrimen adfirat: alteri scilicet uincent: alteri fugient. neq; enim æqua illis & uobis proposita sunt uel pericula, uel præmia. nobis enim uictis a tergo Oceanus tēpestatis inuius, Lusitania quam petamus toto terrarū orbe interiecto dis̄sita: arx in quam fugiamus diruta: neq; si icolumis sit, aliæ su persunt copiæ unde subsidia expectemus. Illis contra pugnantibus omnia infesta: fugientibus atergolatebræ, & spes plerisq; redeundi ad suos: ad quos ut reuertatur, homines barbari, ne ignominiæ quidē notā reformidat. Illis ne si uicerint quidē, spes nulla emolumēti est ex unius arcis non adeo opulentæ præda: nec è liberalitate regis quicq; est quod expectet, ærario diuturna obsidione exhausto, et fide barbarorū cū fortuna mutabili. nobis uincentibus Inde regnū uictoriæ præmiū proponitur. nā & parta seruabimus: & eorum animos, qui euentum huius belli expectant, confirmabimus: & hostes ita profligabimus, ut in multis annos vires resumere nequeant. Quicquid enim apud eos uirium est, in Turcarum auxiliis possum est: cū bis

pōtis angustiis rursus cōglobati resistunt: ac tormētis no-
stros aditu submouere conantur. Ibi, siue terror, et no-
cturnæ tenebræ hosti impedimento fuerunt, siue ut potius
credi par est, præsens numinis fauor nostris adfuit, unus
tātū globus missus est: eoq; unius e Lusitanis imperfectus.
reliqua tormēta quater hostibus frustra tētantibus ignē
concipere non potuerunt. nihil tamē segnius pro pōte pu-
gnatur: nostris successu, Indis loco superiore fretis. Ibi
cum aliquandiu certamen bæsisset, prætor suos nūc incre-
pare, nunc hortari, ut antequā tota hostium uis eō se con-
ferret, præsidia occuparēt: ponte semel capto, nihil fidu-
ciæ hosti superesse, nisi in acie, ubi haud dubie Lusitanus
superior esset. His uocibus miles admonitus, renouato
impetu, e turribus hostē deijcit: nō incruēta tamē pugna.
Quadragīta enī ex Lusitanis ceciderūt. Insignis in pau-
cis uulnērū fæditas declarat, quātis uiribus periuinciaq;
certatū sit. Cosmo Pauæ gladij uno iētu femur abscissū
Vasco fernando cum hostem pertinacius persequeretur,
a tergorica decisa: et patefacta per uulnus uitalia. al-
teri qđ supra oculos auresq; erat e capite, a reliquo cor-
pore ita diuisum fuit, ut non temerario iētu factum, sed
arte ad ostentationē quæsītum wideretur. Ponte occupa-
to, iam omnia penes hostem in fugam spectare. ubi enim
quod roboris in exercitu fuit, fusum est: Lusitani a
tergo ita urgebant, ut nusquā redire in ordines, et con-
ferre

ferre aciē sinerēt. M ascarienae miles præcipue ire, atq; odio iudul sit: cōmilitonum tot præliis cæsorum, & lögæ obsidionis mala ulcisci cupidus. Itaq; quacunq; irruerat procellæ instar ingentem stragem dabat. Eius cohortis impetum Bragmines sagittarii, & hastati remorari conati, aciem ex aduerso dirigunt: ac nonnullos eminus uulnerant: sed ubi ad manus uentum est, impetum non sustinuerunt. Per idē tempus in diuersa castrorū parte prætor summa ui turrim oppugnabat: aliisq; segnius subeuntibus ipse primus in muros euasit, sequeti Laurētio Pyro Ta uora, uiro fortissimo, qui nunq; a prætore discesserat. Eduardus Barbusius signifer terui detrusus, atq; è muro deiectus, tandem pertinaciter instando irrupit: & iam pluribus ingressis summa ui, et intra et extra certabatur. Ant. Custodius linteaueste, ac reliquo sacrificiū appatu induitus, imaginem Christi manu tendens, ubi plurimū erat laboris, & periculi, eo se inferebat: & nostros quantum poterat, hortabatur. Lusitanis præcipue missilia tela, sagittæ & sclopeta infesta erant: quibus prope obruti paulum abfuit, quin a turri recesserit. Sed ubi per cohortes cōclamatum est, prætorem cum fortissima iuuētute ingressum esse: eum si paululū certamen remisisset, prodī: id uero flagitosum rati, se se mutuo cohortati, tanta ui irruunt, ut nulla ratione impetus eorum sustineri potuerit, Antonio Custodio uexillum Crucis præferēte.

ibi

bis solis, qui non multo plures sunt quam uos estis, de gloria certandum est: his profligatis, non multo facilius illi ē Thracia, & Macedonia auxilia accersent, quā nos ē Lusitania. nam Assiae gentes quae in medio sunt positæ, aut non multo Indis bellicosiores sunt, aut non minus quam nos Turcis infestæ. Vulgus uero Indorum seruituti assuetum, in præmium uictori cedet. Horum itaq; memores cum prælium inieritis, ita pugnate, tanquam sub oculis Regis Lusitaniæ res geratur: qui & uestræ uirtutis idem iudex optimus, & remunerator est futurus: & suum honorem, maiorum gloriam bello partam, & orientis imperium, quod in huius præliai eventu positiū est, uobis absens cōmendat. Ita pugnate, tanquam nō meos sed dei præsentis, atq; ònia intuentis ductu, aduersus eius hostes omnis iuris diuini et humani expertes dimicaturi: neq; existimate cum qui mortuus est, ut nos uiueremus, permisurum, ut homines impii, qui eius morti illudunt, & potentiam contēnūt, impune in nos insultent. nescio quid a liis usu uenerit: equidē ita animo affectus sum, ut cū hoc signū intucor (Christi cruci affixi imaginē manu ostendebat) mearum uirium oblitus, uel si solus irem, de uictoria minime dubitem. Extremā eius orationē cum summa alacritate militum clamor subsecutus est poscentium, ut quā primum in hostē duceret. Prætor acie intra arcem in structa, signū quod conuenerat, dat his, quos in nauibus

l iij reli-

reliquerat. Illi maiore quam pro multitudine, s^trepitu ut iussi erant, in portum urbis, qui est ad turrim Lopis, ac vicina litora naues dirigunt. Hostes incerta luce, cum in prætoria naue lumen, qd pro signo solebat esse, cerneret, prætorē ipsum adesse rati: & hastæ frequentes in nauiculis erectæ, & ignis in funiculis paſſim interlucēs, speciē totius exercitus præbuit. Itaq; cum magno tumultu ad mare cōcursum est. Prætor ubi in castris hostilibus irepeditationem sensit, apertis per silentium portis, incerta adhuc luce exercitum educit. In prima acie præerat Mascarennā cum suo milite, cuius fidem, & virtutem per tot menses expertus erat: adiecta ex reliquo exercitu Cohors quadringentorum militum. prætor cum alijs copijs paruo interiecto spacio consequitur. Primierat sclopeta rij, & ea manus quæ scalas ferebat: quibus ad muros hostium admotis, Mascarennæ miles noticia loci fretus, statī in castra irrūpit: ac cæsis, aut fugatis his qui proxuris erant, ingentem tumultum edit. consecuti statim hastati, iam aciē intra castra direxerat. Hostium qui occurrerint non adeo multi, cum magna strage in fugam uersi. nam quod virium erat in exercitu ad mare uersum erat. hi cum ex suorum fuga castra iam capta audirent, ad subsidium suis ferendum uersi. alijs fugientibus, aliis quo clamor uocabat, properantibus, totis castris tumultuatur. Indi quos res ipsa opinata a principio perculerat, in

pontis

Ibi cum in turba lapidis ictu brachiū imagini perfractū
eſſet, tum palā proclaimare, ut deo duce, de dei hostibus
præsentis sacrilegii pænas expeterent: ac palam truncā
imaginem ostentare, ac vindictam spretæ religionis mi-
litibus commendare. tanto furore miles ad hanc uocem
incurrit, ut momento temporis omnes propugnatores ē
murus deiecerit: deiectos insecutus, tota castra strage
profligauerit. nec hac calamitate accepta ulla usquā ho-
stium manus ſe pugnæ obtulit: sed ab altera parte cæ-
des, ab altera fuga fiebat. Rebus in hac castrorum
parte succedentibus, iam prætor suis ad signa reuocatis
ad reliquias copias delendas pergit. erant ad sex hominum
millia, quæ ad Lopis turrim opposita erant, aduersus na-
uales copias: hi cū noſtros uictoria feroces, ſanguinis, ac
pulueris plenos, magno gradu aduentare uident, ſtatim
infugā uertuntur: in qua cum ſua ipſi multitudine impedi-
rentur, ac tumultus nauticus ſpeciem alterius exercitus
aduenientis præberet, incerti quid peterēt, aut fugerēt,
alii ſe in flumen præcipitabant, alii cæci in ipſa pericula
ruebant: pauci ē tanta multitudine euafere, qui primotu-
miliu elapsi erāt diuera caſtrorū regione. cæteri paſſim
fœda strage uias compleuerant. A caſtris in urbē ſta-
tim itur. ibi præconis uoce proclāmatum, ne cuiq; parce-
retur, pœna grauiſſima adiecta, ſi quis cōtra feciſſet. ſed
militi ſponte ſua ſatis accenſo nibile ea denūciatione opus
erat

erat. nam ab initio huius belli non de imperio, aut gloria,
sed de interitu alterius partis certatum erat. Itaque uicti
nihil sibi reliquum ad misericordiam impetrandam fecerant.
passim igitur saeuitum sine ullius sexus, aut etatis discri-
mine. in domibus latitantes protracti, ac iugulati in publi-
cum projiciuntur. Præda oppidi, & castrorum in solaniū
tot laborū militi permissa. erat autem ea ingens, quale in
opulētissimæ gentis exercitu credere par est, qui sine ullo
metu hostili, omnibus rebus suis collatis, sedes sibi perpe-
tuas, ibi destinabat. His rebus confectis prætor æ quo cō-
scēso, exercitū per oppidum, & castra in multas manus
sparsū, coligit. Milites, ut quisq; in notū inciderat, gau-
dio pleni, sese amplecti, & ad imperatorem suum concur-
su facto, eius uirtutē, et animi magnitudinē admirari: et
qua quisq; poterat contingere, amplecti, alloqui: eius uir-
tutē, et prudentiam ad cœlum laudibus ferre. Hanc tā
tā lāetitiam auxit à M ascarena nuntius, qui ab ea parte
hostē fusum et fugatū diceret. itaque omnibus locis re be-
ne gesta, manipuli aliquot circa fossas, et ruinas murorū
dimisi, qui latitantes protraherent, ac perspicerent, si
quicquā ulla ex parte hostilium copiarum restitisset.

Hic fuit finis nobilis illius ad Dium prælij, in quo ee
die cæsa octo millia hostiū. ex Lusitanis quinquagī
ta quinque milites partim in conflictu, partim ex dolore
vulnerum, paucis post præliū diebus, expirarunt. Duces
hostiū

hostium cæsi: Rumican Sofaris filius, inter cæsorum
cadavera uiliissima ueste coniectus, ac mix tandem a
nostris agnitus: item Acedecan, qui pridie quam pu-
gnatum est cum quinqup millibus in castra uenerat: et
Fidalcan, qui Turcis, externisque auxilijs præerat, præ-
clari in primis nominis apud suos imperator: ex regno
præterea Cambaiæ nobilissimus fere quisque, et primæ
apud regem autoritatis. confluxerant enim in castra, ut
regi gratificarentur, pleraque omnis nobilitas, tata sui
fiducia, ut non ad bellū, sed ad cōuentū aliquem celebrē
proficiisci uidetur. Pauci capti uel nobilitatis, uel virtu-
tis admiratione seruati. in his fuit Iuzarcan Abissin-
cius Iuzarcanis frater, qui in illa asperrima oppugnatio-
ne, quæ fuit uigissimo quinto Julij, ceciderat. Tormento-
rū omnis generis ingens uis in castris reperta, in quibus
triginta fuere inusitatæ magnitudinis. Qui e tanta cla-
de evaserunt, in sua quisque oppida dilapsi. Moiatecan
uerecundia impeditus, ad regem accedere non ausus,
cum paucis ijsque magna ex parte uulneratis domum re-
dijt. nōnulli iu oppidum quod septem millia a Dio abest,
conuenerunt: ibi regis iperium expectaturi. Ecce captiuis
nō nullia iebat in extremo prælio humana specie augusti-
em super arcis sacrarium mulierem sibi uisam, quæ ita
oculos perstringeret, ut prope cæci in prelium ruerent:
tantamque nostrorum apparuisse multitudinem, ut prope
deni

deni i singulos Indos pugnare uideretur. ita q; metu cōsternatos nunquā coire, aut aciē struere potuisse. Prætor hac parta uictoria, duos pontes diruit: quibus insula continēti iungebatur: ac magno numero operarum adhibito ad rude ra purganda, totam denuo arcem multo quā antea firmiorē cēdificare aggressus, primus ipse operi manū admovit: cuius exēplū reliquis secutus exercitus. Saucijs currandis curam diligenter adhibet. qui uulneribus ita debilitati erant, ut militare in posterum non possent, Bassai mū missi: agri ibi assignati. reliquis militiib⁹ pro cuiusq; uirtute præmia data: complures in equestrem ordinem relati: qui inter honores militares ap̄plissimus habetur. Hæc sūt, quæ ad hunc diem de secunda obsidione Dij comperta habemus: quæ Olisiponem ad IOANNEM tertium inuictissimum Lusitaniae Regē, anno salutis nostræ. 1547. mēse Augusto perlata, quāta potuimus fide retulimus.


FINIS.



CONIMBRICAE.

EXCVDEBANT IOANNES BARRERIUS
& Ioannes Aluarus Typographi Regij.

Anno. M. D. XLVIII.



Sal
Gah
Est
Tab
N.^o

